

SAKSPAPIR

Saksnr	Utval	Type	Dato
103/20	Formannskapet	PS	25.11.2020
099/20	Heradsstyret	PS	09.12.2020

Saksbehandlar	ArkivsakID
Linda Judith Svidal Nordås	20/2677

Rullering av handlingsprogrammet vedr kommunedelplan for idrett, friluftsliv og fysisk aktivitet 2021 - 2024

Vedlegg:

Kommunedelplan for idrett, friluftsliv og fysisk aktivitet 2021 - 2024

Rådmannen sitt framlegg til vedtak:

Handlingsprogram for kommunedelplan for idrett, friluftsliv og fysisk aktivitet vert vedteke slik det ligg føre.

Formannskapet - 103/20

FS - behandling:

Johannes M. Bysheim, AP, gjorde slikt framlegg: "Dagsturhytte vert flytta til 3.plass."
Johannes M. Bysheim, AP, trakk sitt framlegg.

AVRØYSTING:

Rådmann sitt framlegg - Samrøystes vedteke

FS - vedtak:

Handlingsprogram for kommunedelplan for idrett, friluftsliv og fysisk aktivitet vert vedteke slik det ligg føre.

Heradsstyret - 099/20

HS - behandling:

AVRØYSTING

Formannskapet si innstilling - samrøystes vedteken (5SP,1V,1MDG,3KRF,2SV,4AP,4H,7FRP)

HS - vedtak:

"Handlingsprogram for kommunedelplan for idrett, friluftsliv og fysisk aktivitet vert vedteke slik det ligg føre."

Saksopplysningar:

Saksopplysningar:

Osterøy kommune rullerer årlig handlingsprogrammet for Kommunedelplanen for idrett, friluftsliv og fysisk aktivitet, med tanke på prioritering av spelemidler.

Kommunedelplanen var gyldig 2008 – 2019, og må forlengast ut 2021. Det er eit krav frå fylket om at kommunedelplan skal vere gyldig, og at handlingsprogrammet skal rullerast, for å bli tildelt spelemidler. Denne rulleringa må vere gjort innan 01. januar 2021, for at søknadsfristen kommunen har mot fylket skal bli holdt (søknadsfrist 15. januar 2021). Fylket ber òg om at anlegga på lista står i den rekkefølga dei vil bli tildelt midlar. Det vil sei at eit anlegg som berre skal fornye søknaden sin fordi dei har søkt tidlegare år, må stå på lista etter den rekkefølga dei søkte første gang.

I 2021 må ein lage ny kommunedelplan for idrett, friluftsliv og fysisk aktivitet, som tek stilling til kva anlegg som Osterøy kommune har bruk for, og i kva grad Osterøy kommune skal bidra i finansieringa av disse. Her må òg spørsmålet om kostnader knytta til drift/vedlikehald bli svart på. Som ein del av dette arbeidet, vil idrettsrådet og politiske utval få mogelegheita til å gjere prioriteringar mellom dei ulike anlegga.

Bakgrunn

Osterøy kommune sin kommunedelplan for idrett, friluftsliv og fysisk aktivitet gikk ut i 2019, og må forlengast ut 2021 for at Osterøy kommune sine lag og organisasjonar skal kunne bli tildelt spelemidler i 2021. Det er behov for ny kommunedelplan som tek stilling til kriterium for å komme inn på handlingsprogrammet. Per i dag er det tilstrekkelig med eit ynskje om å komme inn, dvs at ein har ein tanke om å bygge eller rehabilitere noko som kjem inn under spelemiddelparaplyen.

Ordinære anlegg

Nye anlegg på lista er (1) Dagsturhytte og (2) Rehabilitering av kunstgrasdekke på Furubakken. Disse er tilrådd lagt inn sist på lista, og blir prioritert opp neste år når heile kommunedelplanen skal reviderast.

Delfriidrettsanlegget i Fotlandsvåg fekk første tildeling i fjor, men har framleis mogelegheit til å søke om ytterligere 900 000. Disse står difor først på lista, medan Osterøy IL sin rehabilitering av friidrettsanlegget på Hatland står som nummer 2 då dette anlegget er ferdig rehabilitert og søkte for første gang midlar i fjor.

Delfriidrettsanlegget i Fotlandsvåg har eit H-styrevedtak frå 21. februar 2018 som seier at det skal gjevast eit kommunalt tilskot på 400 000, og at kommunen skal stille som garantist for inntil 3 300 000 i lån. Vilåret var godkjent spelemiddelsøknad. Kommunen må vente å betale ut disse pengane i 2021.

Nærmiljøanlegg

Ballbingen ved Hamre skule er plassert på første plass. Denne søknaden er tilnærma fullført i tilskotsportalen. Ingen andre nærmiljøanlegg har søkt i år, eller skal fornye søknaden sin. Fylket etterstrever å gje eit nærmiljøanlegg i kvar kommune midlar årleg, og det er difor viktig at ballbingen står på første plass dersom ein ynskjer at denne skal få midlar.

Vurdering

Det har vore stor rørsle i sakene etter at saka vart lagt fram for Formannskapet 14. oktober. Saksframstillinga er difor ein del endra. Samtidig er det ikkje mogeleg å svare på spørsmåla stilt i F-skapet ved førre saksframlegging på så kort varsel; fleire av disse spørsmåla må svarast på i kommunedelplanen som skal reviderast neste år. I denne omgang, er det viktig å få vedteke eit handlingsprogram i påvente av rullering av heile planen, for å sikre at dei tre anlegga som er i sirkulasjon ikkje dett ut av kampen om spelemidler.

Folkehelse:

Å ha god tilgang på ulike former for fysisk aktivitet over heile øya er viktig som folkehelsetiltak.

Miljø:

God tilgang på anlegg der folk bur gjer at innbyggjarane kan vere fysisk aktive utanfor stovedøra.

Økonomi

Osterøy kommune er ansvarleg for å sjå til at anlegg vert halde i ein slik stand at dei kan nyttast til føremålet. Dei fleste anlegga er kommunalt eigd. Det medfører ansvar for å oppretthalde ein god teknisk standard i anlegget sin levetid, om ikkje vert ein erstatningspliktig i forhold til tildelte spelemiddeltilskot. Osterøy kommune gjev årleg drifts- og vedlikehaldsmidlar til anlegg som ikkje har fått spelemiddelstøtte. Det er idrettsrådet som tek i mot og behandlar søknadane om drifts- og vedlikehaldsmidlar, og midlane vert fordelt ut frå søknadane. Til tross for auken i anlegg er ikkje disse midlane auka nevneverdig siste åra. Ved å stadig vedta nye anlegg, fører det til oppbygging av eit potensielt vedlikehaldsetterslep på anleggsfronten.

Konklusjon

Rådmannen tilrår, med bakgrunn i dette, at ein vedtek handlingsprogrammet vedr kommunedelplan for idrett, friluftsliv og fysisk aktivitet slik det ligg føre, i påvente av ny kommunedelplan i 2021 som tek stilling til

- Kva anlegg som skal prioriterast
- Kven som skal prioritere ulike anlegg
- Korleis disse skal finansierast
- Kostnader knytta til drift og vedlikehald